


111 B



LEPROCES.

PAR

PIERRE DE RONSARD VANDOSMOIS

'A Tresillustre Prince Charles, Cardinal de Lorraine.









PAR IEAN GERARD. M. D. LXV.



ONARION OF THE PARTS AND

A TEILEMENT Times Charles, Our-

PAR IBAM GERIARD.

LE PROCES, PAR PIER-

RE DE RONSARD VANDOSMOIS.

* *

A Tresillustre Prince Charles, Cardinal de Lorraine.

SE.

Yous estes desendeur, & ie suis demandeur:
I'ay pour mon aduocat Calliope, & pour iuge
Phebus qui vous cognoist, & qui est mon resuge:
Et pour vostre aduocat vous auez seulement
Il me plaist, ie le veux, c'est mon commandement.

Or deuant que plaider il ne faut penser estre
Prince ny Cardinal, Monseigneur, ny mon maistre,
Issu de Charlemagne, & de ce Godesfroy,
Qui par armes se seit de Palestine Roy.
Ny oncle de la Royne, ou celuy qui la gloire
Remporta sur Luther d'vne saincte victoire:
Ou celuy qui ce regne a purgé des mutins,
Acte plus grand que ceux des Empereurs Latins.

Mais il faut penser estre vn d'entre le vulgaire,

Et personne priuee: autrement mon affaire

Auroit mauuaise issue, & sans heureux succes

Ie serois en danger de perdre mon proces.

Pource ne venez-point comme vn Dieu de la France:

A ii

4

Personne ne prendroit contre vous ma desense.

Ne parlez-point aussi, car vostre docte voix,

Qui scait gaigner les cœurs des peuples & des Rois,

A qui la triple grace & Python ou abonde

L'eloquence, ont versé le miel de leur faconde,

Vous faisant vn Nestor, trop disert, & seroit

Que le tort eloquent du droict triompheroit:

Car la mauuaise cause auec l'art bien plaidee

Est plus que le bon droict souuent recommandee.

Dont sans vouloir par art la mienne desguiser Mon aduocat vous veut simplement accuser Se fiant en son droict, tout iuge veritable Donnera pour ma part sa sentence equitable, Et si vous ennuyez de vous voir surmonté, l'appelle à mon secours vous & vostre bonté.

Or de vous accuser il prend la hardiesse
De n'auoir vers Ronsard gardé vostre promesse.
Tout homme qui ne veut sa promesse tenir,
Se doibt selon la Loy seuerement punir.
Puis d'autant plus se doibt tenir la soy promise
Qu'elle vient & d'vn Prince, & d'vn passeur d'Eglise:
Ou ne promettre point, peu d'honneur est receu
Quand par le grand seigneur le petit est deceu.

Il dit par ses raisons que des la sienne enfance (Si cela peut seruir) eust de vous congnoissance: Et en mesme collège, & soubs mesme Regent: Il dit qu'en croissant d'aage il est creu diligent A vous saire seruice, & vous a quant au reste En tous lieux honnoré, comme chose celeste. Puis quand les aiguillons d'Apollon & l'erreur Dont l'eschausse les cœurs, le mirent en sureur,

Et que la Muse Grecque & la Muse Latine Luy eurent viuement enssammé la poictrine, Il conçeut vos honneurs, & en toute saison N'a cessé de chanter vous, & vostre maison

Quand vostre frere aisné, par superbe entreprise
Engarda que de Mets la citéne sust prise
Et que Cesar ensié de vengeance & d'orgueil
Veid en lieu d'vn trophee, vn horrible cercueil
De ses hommes occis, qui plus ne remporterent
L'aigle, que pour enseigne és fossez ils planterent:
Il chanta la dessaicte, & si haut il volla
Que son vers genereux la victoire esgalla:
Et si vostre frere eust vne belle victoire,
Ce Ronsard n'eust pas moins en son œuure de gloire.

Puis quand par la vertu que l'heur accompagna

Vostre frere à Ranthy la bataille gaigna: Et que tous les Flamans & les peuples d'Espagne. A son bras soudroyant quitterent la campagne, Il celebra sa gloire, & par son vers sut mis La honte doublement au front des ennemis.

Puis quad les chiquaneurs se tourmétoyent d'enuie, Dequoy vous resormiez les proces & leur vie Sans craindre leur sureur, leur fraude, & leur courroux, Vous sacra la iustice, & la meit dedans vous: A Romme vous l'enuoye, où point ne sut deceuë, Car elle sut de vous benignement receuë, Conime en vn cœur gentil de vertus reparé, Qui luy estoit du ciel pour logis preparé.

Puis quand vostre parent le grand Duc d'Austrasse Eust la fille du Roy pour espouse choisse: Et que le palais veuf de proces & de plaids Veid, en lieu d'aduocats, diuers peuples espais

A iii

Crier Hymen, Hymen, & les fueilles sacrees
Orner de ses posteaux les superbes entrees,
Pasteur il s'en alla au chasteau de Meudon,
Il celebra la Grotte & vous en seit vn don:
Au son de son slageol danserent les Nasades,
Danserent les Syluains, danserent les Driades,
Les Satyres cornus, les Faunes & les Pans,
Et les cers en sauterent à lentour de leurs fans:
Tout Meudon resonna soubs les vers qui sonnoyent
Le sain Expitalame, & les bois qui donnoyent
L'oreille à ses chansons parmi le verd bocaige
Rechantoyent à l'enuy le sacré mariage.
Echo le rechanta, & plus de mille sois
Vostre nom sut appris aux antres, & aux bois.

Quand pour pacifier & tourner le discord Qui auoit trop regné en vn paisible accord, Vous fustes enuoyé comme vn sage Mercure Au chasteau Cambresis, pour en prendre la cure. Et vous faire apparoistre au milieu du Flamment, De l'Anglois, deliberé vn diuin Truchement: Il conposa vostre hymne, & comme vne pucelle Qui va parmi les prés en la saison nouuelle Pour charger son panier & son giron de fleurs, Qui bigarrent les champs de diuerses couleurs, Elle ne laisse fleur, ny petite, ny grande Sans en faire vn boucquet, puis va trouuer sa bande Qui l'attend sur la riue, & versant son giron Monstre toutes les fleurs des iardins d'enuiron: Ainsi il ne laissa ny grande ny petite Vertu qui sut en vous, qu'elle ne sut descrite Ded ans son hymne vostre, & sortant de ses mains Vous Vous le transmit afin que les peuples Germains, L'Espagnol, & l'Anglois, & toute l'assemblee, Qui de diussions erroit toute troublee, Apprinsent vos vertus, & qu'il eust ce bon heur D'estre aux peuples lointains châtre de vostre honeur.

Puis quand dernierement tous les mutins de France Armerent contre vous l'erreur & l'ignorance: Quand le peuple incertain errant deçà delà Tenoit l'vn ceste foy, & l'autre ceste la: Et que mille placarts diffamoyent vostre race, Gaillard il resista à leur felonne audace, Tout seul les desians, & harditant ofa Que l'estomach tout nud à leurs coups opposa, Bien peu se souciant de leur rage animee, Pourueu qu'il fust amy de vostre renommee: Vn chacun se taisant, car on ne sceut alors Lesquels dedans le camp demeuroyent les plus forts. Il resueilla Baif à repousser l'iniure Qu'on vous faisoit à tort par sa docte escriture, Des Aultez & Beleau, & mille autres esprits Furent par son conseil de vos vertus espris:

Il n'escriuit iamais qu'il n'eust la bouche plaine Des illustres vertus de Charles de Lorraine, Que mille & mille sois, en mille & mille lieux Esparses a semé comme estoilles aux cieux. Quand il auroit seruy le plus cruel barbare, Encores son seruice & sa plume assez rare Eschaufferoit vn Scythe, & bening le v oudroit

Fauoriser sur tous & luy garder son droict.

Adioustez d'autre part qu'il ne vous importune,

Et soit bien, ou soit mal, il souffre sa fortune,

A iiij

Se confiant en vous sans tallonner vos pas,
Sans vous suyure au chasteau, à la chambre, au repas
Comme ce vieil Prelat, las! qui ne se contente
De voir en sa maison cent mille francs de rente.
Miserable Prelat, ny son chef tout grison,
Ny le repos aymable en la vieille saison,
Ne l'ont peu retirer que serf il ne le rende,
Et au vouloir d'autruy sa liberté ne vende.

Celuy pour qui ie plaide est d'autre naturel,
Bien peu se souciant de ce bien temporel,
Qui s'enfuit comme vent, & n'estoit la contraince
Il ne feroit icy par ma bouche sa plaincte.
Il a le cœur si haut qu'il ayme mieux mourir
Sans support & sans biens, que de les acquerir
Par importunité, comme ceux qui vous pressent:

Et iamais en repos vos oreilles ne laissent.

Et toutes sois, Seigneur, apres que ce Ronsard A despendu pour vous son labeur & son art A vous rendre immortel, pour toute recompense Vn autre a pris le fruict de sa vaine esperance: Vous ne l'ignorant point. Car par voltre moyen. Le mettant en oubly vu autre a eu son bien: Il vous en aduertist & vous en seit requeste, Il tendit les filets, vn autre en prit la queste. Car fortune & faueur qui ont la plus grand part Du monde & de la court, n'y eurent pas esgard. Ainsi les gros taureaux vont labourant la plaine, Ainsi les gras moutons au dos portent la saine, Ainsi la mouche à miel en son petit estuy Trauaille en se tuant pour le prosit d'autruy. Tout le bien qu'on amasse auecques trop de peine Tamais Iamais aucun profit au possesseur n'ameine,
Et se tourne en malheur, quand celuy qui le quiert
Auecques trop de peine & de trauail l'acquiert:
Et mesme quant il void que tousiours on dissere,
Et qu'a la vertu mesme vn indigne on presere.
Aussi trop durement vn biensaict est vendu
Quand on a pour l'auoir son aage despendu.
Ha! que vous sustes sols, poures peres de faire
Apprendre à vos ensans le mestier literaire:
Mieux vaudroit leur apprendre vn publicque mestier,
Vigneron, laboureur, maçon, ou charpentier,
Que celuy d'Apollon, ouceluy qui amuse
Les plus gentils esprits des honneurs de la Muse,
Titres, ambitieux qui par les aduancez
Les saict estimer sols, surieux, insensez.

Sainct Gelais qui estoit l'ornement de nostre aage, Qui le premier en France a ramené l'ysage De sçauoir chastouiller les aureilles des Rois Par vn luth marié aux douceurs de la voix, Qui au ciel demenoit sa diuine armo, e, Veid, mal-heureux mestier! vne turbe infinie Aduancez deuant luy, & peu luy prositoit Son luth, qui le premier des mieux appris estoit.

Du Bellay qui auoit monté dessus Parnase, Qui auoit espuisé toute l'eau de Pegase, Qui auoit dans mon antre auecques moy dansé Ne sult, siecle de ser! d'vn seul bien aduancé. O cruauté du ciel, à maligne contree, Où iamais la vertu qu'en sard ne s'est monstree! Puis que les sols, les sots, les ieunes courtisans Sont poussez en credit deuant les mieux disans. Il faut donner les biens à ceux qui les meritene,
Mesmes en leur absence, ainsi les biens prositent;
Quand ils sont peu cerchez: de là vient le bon heur
Et par là se congnoist le vouloir du seigneur.
Quand on n'aduance point aux honneurs les Poëtes,
Qui sont du Dieu tres-haut les sacrez interpretes,
Qui sçauent deuiner, & songer, & preuoir,
Qui ont l'ame gentile, & prompte à s'esmouuoir
Comme venant du ciel par vengeance diuine,
Tousiours dans le Royaume arriue ou la famine,
La peste, ou le mal-heur, ou la guerre y prend lieu
Pour n'auoir honnoré les Ministres de Dieu

Ie Pensois, ô Prelat, qui n'as point de semblable, De qui l'esprit est vif, ardent, & admirable, Que vous seriez fauteur de ce trouppeau diuin Mais Phebus en cela me feit mauuais deuin, Puis qu'en vostre presence & deuant vostre veuë, Ceste innocente trouppe est de vous desprouueué. Vous direz pour desence, Hé, mais qui est celuy Pour lequel ie doibs prendre & trauail & ennuy, Moy qui suis esseué en dignité si grande, Qu'apres ou deux ou trois aux plus grads ie comande: Comment d'vn tel gallant me pourroit souuenir, Qui Prince ne suis nay sinon pour retenir Les magnificques noms d'vn Seigneur, ou d'vn Prince: Et comment voudroit-on que le nom ie retinse De ce gentil Ronsard, comment pourrois-ie bien Me souuenir de luy pour luy saire du bien Entre cent millions d'affaires qui suruiennent Les vnes le matin, & les autres me tiennent Toute l'apresdince, & les autres le soir,

Si bienque ie ne puis tant seulement auoir Vne heure de repos pour penser de moy-mesmes Tant le faix de ma charge en labeur est extreme? Puis on ne veid iamais ce Poéte à la courts Il faut qu'il se presente encores qu'il soit sourd: Car la face de l'homme & sa seule Presence Vaut mieux que cent amis qui parlent en absence, Et volontiers l'amy non acquis par vertu Porte tousiours vn cœur mensonger & tortu: Comme ils font à la court, ou ils parlent de bouche De leurs amis absens, mais le cœur ne les touche, Seulement par acquict, par ruse, & par deuoir Ils faignent d'estre amis & taschent d'en auoir Eux-mesmes par cest art que doubles ils pallient; Pour dire qu'au besoin les amis ils n'oublient. S'il fust venu luy-mesmes il eust eu ce bien faiet, Et de ma volonté il eust cognu l'essect: Mais luy ne venant point, l'offence n'est plus mienne, Et si faute il y a, la faute est toute sienne.

Vous vous pourriez aider de mainte autre raison, Dont orateur facond abondez à foyson:
Mais il ne faut ouir vostre docte eloquence,
Qui pourroit subuertir des iuges la sentence:
Il faut que l'amendiez, autrement l'equité
Ne seroit qu'vn nom seince, sans nulle authorité.

Ainsi dit Calliope, Et Phebus vous sit taire
De peur de gaigner, puis consultant l'affaire
Auec le bon Nestor Cardinal de Tournon,
Et le docte Hospital immortel de renom;
Et apres auoir bien la matiere espluchee
Et d'vne & d'autre part la raison recerchee,

Vous fustes condamné à l'amende vers moy, A payer mes despens, & mes frais, & ie croy Que vous acquitterez bien tost de vostre debte Pour faire bien-heureux vn mal-heureux Poëte.

AD CAROLVM LOTHARINGVM.

Carole, Ronfardum sine vincere, victus ab illo Post tua victurus sata superstes eris.

supplying with another the property

Marcia en a la fisia de la fis

s a versi e camber aldor de maiore antrereille fic

and all properties it said for the docar

Get pour confidentific des ingests tentences

is of the self of the first take ability and the surface to A this are called a Market of the surface to the surface of the su

Auto tabon Millor Chromal de Compon, Esta dock official mamorcel de ranou. T Es abres da moden la marico d'pluchee Le donc es l'us continancia incarchee

